

**KOMISIJA ZA TUMAČENJE KOLEKTIVNOG UGOVORA ZA DJELATNOSTI
PREDŠKOLSKOG ODGOJA I OSNOVNOG ODGOJA I OBRAZOVANJA U
KANTONU SARAJEVO**

Na osnovu člana 172. Kolektivnog ugovora za djelatnosti predškolskog odgoja i osnovnog odgoja i obrazovanja ("Službene novine Kantona Sarajevo", broj: 24/22, 40/22, 7/24, 29/24 i 39/24 – u daljem tekstu: Kolektivni ugovor), Komisija za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo na 36. sjednici održanoj 08.01.2025. godine, donijela je

**Autentično tumačenje člana 69. stav (6) Kolektivnog ugovora za djelatnosti predškolskog
odgoja i osnovnog odgoja i obrazovanja Kantona Sarajevo
("Službene novine Kantona Sarajevo", broj: 24/22, 40/22, 7/24, 29/24 i 39/24)**

„Član 69.

(6) Novčane nagrade isplaćuje Ministarstvo, u skladu s tabelama iz ovog člana.“

KANTONALNI NIVO

R/b.	OSVOJENO MJESTO	POJEDINAČNO	EKIPNO
1.	I mjesto	25 % plate radnika	30 % plate radnika
2.	II mjesto	15 % plate radnika	20 % plate radnika
3.	III mjesto	10 % plate radnika	10 % plate radnika

FEDERALNI NIVO

R/b.	OSVOJENO MJESTO	POJEDINAČNO	EKIPNO
1.	I mjesto	50 % plate radnika	60 % plate radnika
2.	II mjesto	30 % plate radnika	40 % plate radnika
3.	III mjesto	20 % plate radnika	30 % plate radnika

DRŽAVNI NIVO

R/b.	OSVOJENO MJESTO	POJEDINAČNO	EKIPNO
1.	I mjesto	80 % plate radnika	100 % plate radnika
2.	II mjesto	50 % plate radnika	70 % plate radnika
3.	III mjesto	40 % plate radnika	60 % plate radnika

MEĐUNARODNI NIVO

R/b.	OSVOJENO MJESTO	POJEDINAČNO	EKIPNO
1.	I mjesto	2 plate radnika	3 plate radnika
2.	II mjesto	1,5 plata radnika	2 plate radnika
3.	III mjesto	1 plata radnika	1 plata radnika

Prema citiranoj odredbi člana 69. stav (6) i tabelama iz člana 69. Kolektivnog ugovora radnik ima pravo na više od jedne nagrade ostvarene sa različitim učenicima, odnosno ekipama po vertikali uz napomenu da se ograničenje iz stava (7) člana 69. Kolektivnog ugovora odnosi na ostvarivanja prava na više novčanih nagrada na nekom od nivoa takmičenja samo ukoliko je učenik istovremeno ostvario rezultate na pojedinačnom i ekipnom takmičenju.

Odluka o autentičnom tumačenju člana 69. stav (6) Kolektivnog ugovora je donesena na 36. sjednici Komisije održanoj 08.01.2025. godine jednoglasno konsenzusom.

ČLANOVI KOMISIJE

Abid Fejzić, predstavnik Poslodavca

Saudin Sivro, predstavnik Sindikata

Seada Mulaomerović, predstavnik Poslodavca

Envera Šukman, predstavnik Sindikata

**KOMISIJA ZA TUMAČENJE KOLEKTIVNOG UGOVORA ZA DJELATNOSTI
PREDŠKOLSKOG ODGOJA I OSNOVNOG ODGOJA I OBRAZOVANJA U
KANTONU SARAJEVO**

MINISTARSTVO ZA ODGOJ I OBRAZOVANJE KANTONA SARAJEVO

n/r ministrice

**SAMOSTALNI SINDIKAT OSNOVNOG OBRAZOVANJA I ODGOJA FBIH -
KANTONALNI ODBOR KANTONA SARAJEVO**

n/r predsjednika

PREDMET: Dostava tumačenja po zahtjevu

Komisiji za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 24/22, 40/22, 7/24, 29/24 i 39/24 - u daljem tekstu: Kolektivni ugovor) obratio se Sindikat, kao jedna od ugovornih strana, a u vezi sa zahtjevom radnice Edine Čaušević iz Javne ustanova Osnovna škola „Grbavica I“ Sarajevo, zahtjevom za tumačenje člana 69. stav (6) Kolektivnog ugovora u dijelu ostvarivanja prava na više nagrada sa više učenika koji su osvojili više pojedinačnih mjesta na raznim nivoima takmičenja.

U vezi s navedenim, obavještavamo Vas da je Komisija na 36. sjednici održanoj 08.01.2025. godine, donijela autentično tumačenje člana 69. stav (6) Kolektivnog ugovora, koje Vam dostavljamo u prilogu ovog akta, radi dostavljanja istog podnosiocu zahtjeva za tumačenje.

Podsjećamo da je članom 172. Kolektivnog ugovora propisano da tumačenja Komisije imaju pravnu snagu i učinak ovog Kolektivnog ugovora te da je obaveza Ministarstva za odgoj i obrazovanje Kantona Sarajevo da tumačenje objavi na službenoj internet stranici Ministarstva, a obaveza Sindikata je da tumačenje objavi na službenoj internet stranici Sindikata.

S poštovanjem,

**Komisija za tumačenje Kolektivnog ugovora za
djelatnosti predškolskog odgoja i osnovnog
odgoja i obrazovanja u Kantonu Sarajevo, s.r.**